



東國通鑑

十八之十九

共三十二

リ 6  
4060  
10







東國通鑑卷之十八

高麗紀

宣宗思孝王

諱運字繼天古諱蒸又祁順宗母弟  
幼而聰慧及長孝敬恭儉識量弘遠  
博覽經史尤工製述在位十一年壽  
四十六

子甲

元年

宋元豐七年  
遼大康十年

夏四月遼遣勅祭使耶律

信慰問使耶律彥等來祭文宗順宗○六月

王子昱生○秋八月制顯宗南幸時門下侍

門牌 4060  
卷 3 / - / 0





中朴成傑扈從有功於三韓後壁上功臣楊  
規等錄券並錄之○宋遣祭奠使左諫議大  
夫楊景略副使禮賓使王舜封吊慰使右諫  
議大夫錢勰副使西上閤門副使宋球等來  
景略等聚僧徒設道場於文宗順宗魂殿又  
祭之○以王生日為天元節○九月宴宋使  
于會慶殿○冬十一月命征袍都監以乾明  
庫平布一千餘匹製衣袴分賜戍邊士卒○  
二年宋元豐八年春二月始令駕幸時奉仁  
王般善經前導從宋制也○幸歸法寺自是

高麗宣宗

屢幸寺院○三月王欲詣魂堂行祭有司以  
無哭位難之王曰禮當從宜遂減法從而往  
史臣曰為臣之道當匡其惡而順其美王  
未終制與宋使宴樂有司不以為言至於  
返魂堂乃朝夕所臨有司獨以為難何哉  
宋密州報帝崩○夏四月王弟釋煦逃入宋  
初煦欲求法於宋文宗不許及王即位屢請  
會羣臣議皆以為不可至是率門徒二人潛  
隨宋商林寧而去○秋八月遣戶部尚書金  
上琦禮部侍郎崔思文如宋吊慰工部尚書



丙寅

林槩兵部侍郎李資仁賀登極○奉安文宗神御于景靈殿親行奠禮○御宣政殿聽斷死囚停音樂進素膳○冬十月柑文宗于大廟○設百座道場於會慶殿三日飯僧三萬○十一月柑順宗于大廟○遼遣落起復使耶律盛來○遼遣保靜軍節度使蕭璋崇祿卿温嶠等來冊王為特進檢校太師兼申書令上柱國食邑一萬戶食實封一千戶兼賜冠冕車馬圭印衣帶綵段等物

三年宋哲宗元祐元年遼大安二年春二月壬午上冊于二十六

高麗宣宗

后賜羣臣宴○王妹積慶宮主適王弟扶餘侯遜先是王弟金官侯丕卞韓侯愔辰韓侯愉等諫以不可娶同姓不從

**聖人**制禮不娶同姓所以厚其別也新羅之初習俗鄙野娶堂從之親恬不知恥事唐以後漸識禮義知娶同姓之非禮也則乃後吳孟子之例變易姓氏敢行非禮其失甚矣夫娶總功尚且不可况於至親乎高麗家法非特堂從雖姊妹亦不避如景宗之納戴宗女成宗之納光宗女



顯宗之納成宗女睿宗之納宣宗女則於  
己為堂從光宗之大穆后則太祖之女德  
宗之敬成后文宗之仁平后則顯宗之女  
皆其姊妹也三綱不正有夷狄之風皆假  
外親為姓以之而示羣下以之而聞上國  
以之而奉宗廟社稷之祀可乎當時羣臣  
雖知不可而徂於習俗曾莫之諫正幸而  
金官侯烝等慨然以勿娶同姓論列陳請  
誠衰世絕無之義論也王不採納自喜因  
循不知其同流於禽獸而不辭也豈不深

高麗宣宗

可惜哉孔子作春秋內事多諱而於孟子  
之卒存而不削昭公之罪自不可掩而因  
以警後世者亦深切著明矣不別同姓不  
分親疎棄禮亂正如高麗者又何足責哉  
以朝鮮公燾雞林公熙守太保常安侯瑋扶  
餘侯遂金官侯烝卞韓侯愔守司徒辰韓侯  
愉守司空○夏四月以李靖恭為門下侍中  
判尚書吏部事崔奭金良鑑並為門下侍郎  
平章事○五月遣尚書禮部侍郎崔洪嗣如  
遼謝落起復禮賓卿李資智賀正知中樞院



事李子威謝冊命又遣尚書右丞韓瑩告奏  
時遼欲於鴨綠江將起榷場故請罷之○六  
月釋煦還自宋初煦至宋帝引見于垂拱殿  
待以客禮寵數渥縵煦請遊方問法詔以主  
客員外郎楊傑為館伴至吳中諸寺皆迎餞  
如王臣禮王上表乞令還國詔許東還煦至  
禮成江王奉太后出奉恩寺以待其迎迓導  
儀之盛前古無比煦獻釋典及經書一千卷  
又於興王寺奏置教藏都監購書於遼宋日  
本多至四千卷悉皆刊行○以旱詔文武常

高麗宣宗

參官散任三品以上各上封事○秋七月詔  
曰朕覽羣臣所上封事多言俗尚侈靡依司  
據先王典禮衣服車馬品制詳定以聞○德  
宗后金氏薨謚敬成葬質陵

四年

宋元祐二年春遣告奏使秘書監

林昌鑿

如遼○秋八月丙午幸西京○九月

宴侍臣于大同江樓舡○冬十月王游覽觀

風亭及九梯宮遂幸永明寺御龍舡至大同

江入夜乃還○幸弘福仁王二寺遂幸梯淵

御樓舡置酒沿流至大同江觀射○十一月



辰戊

乙卯王至自西京○十二月遣刑部侍郎崔翥如遼賀天安節○以崔夔守太尉判尚書吏部事監修國史金良鑑守太尉抑洪守司空崔思諒修國史

五年

宋元祐三年

春正月遼遣橫宣使御史大夫耶律迺壽來○二月遼議置權場於鴨

江遣中樞院副使李顏往龜州密備邊事○

夏四月不雨王備法駕率百僚如南郊雪避

正殿減膳徹樂露坐聽政令巷市禁戴帽揮扇又禱宗廟社稷山川○五月詔曰朕不明

高麗宣宗

于德皇天示譴三月不雨慄慄危懼豈中外罔固有眚哉乎其輕囚薄罪並原之○甲戌夜風雨暴作海水漲溢緣江居民廬舍舟楫漂溺覆敗者不可勝計禮成江尤甚○秋八月淫雨傷禾

史臣曰洪範曰狂恒雨若王多作佛寺百姓勞怨天人相與之際可不畏哉

九月遣太僕少卿金先錫如遼乞罷鴨綠江權場冬十一月先錫還自遼回詔曰屢抗封章請停權場諒惟細故詐假繁辭邇議便宜



况未創置務從安帖以盡傾輸釋乃深疑體  
子至意○十二月以李頌為刑部尚書參知  
政事

六年

宋元祐四年春正月發新興倉粟施京

城諸佛寺設齋祈福○二月親祀天地山川

于毳庭以祈福○夏四月朔隕霜太史奏天

之垂變必因民怨宜以法天行化審政教之

得失寬刑宥罪不使下民有怨嘉納之○六

月以崔思齊參知政事朴寅亮同知中樞院

事○修葺國學移安文宣王於順天館○冬

高靈宣宗

十月講仁王經于會慶殿三日飯僧三萬○

置新鑄十三層黃金塔于會慶殿設慶讚會

○王太后始創國清寺於西郊

七年

宋元祐五年春正月左僕射參知政事

崔思諒以疾乞退制以致仕例給半俸有司

駁之王曰思諒累代元臣豈拘恒例○普濟

寺水陸堂火先是嬖人知太史局事崔士謙

入宋求得水陸儀文請王作此堂功未畢而

火

史臣曰天其或者警嬖倖媚君微寵乎昔



梁武帝營同泰寺浮屠甫畢而災天人感  
應古今一也世之感浮屠禍福之說者見  
此亦可鑒矣

二月以柳洪為門下侍郎平章事判兵部事  
崔思齊為中書侍郎同中書門下平章事李  
子威為尚書右僕射參知政事修國史○三  
月戊子夜大震電新興倉灾困廩鉅萬都盡  
飛燭蔽空朝野大驚而民屋無損者御史臺  
詰日官曰火灾之發必有兆爾何不言太史  
丞吳相曰去年火星守天囷具以報本局知

高麗宣宗

事崔士謙抑而不奏於是黜士謙相等亦坐  
禮部奏魏明帝青龍二年四月有火災帝問  
高堂隆此何咎也於禮亦有祈禳之義乎對  
曰夫災變之發所以垂教誡也惟率禮修德  
可以勝之又按舊占火災皆以臺榭為誠宜  
罷作役務從節儉且命有司修設齋醮王從  
之即罷弘圓國清兩寺之役○夏六月制曰  
近來災變屢作時雨愆期朕甚懼焉其內外  
公徒私杖以下輕罪悉令放除諸官吏犯法  
罷職者理無私曲量叙本品吏民於丁卯年



借貸新興倉穀米未還者咸使蠲免○秋七月遣戶部尚書李資義禮部侍郎魏繼廷如宋○八月辛亥兩雹震市西巷人馬又震乾陵松木都城東北山松木太史奏瑞祥志曰雷電殺人傷六畜破丘陵樹木者人君刑斬不以道理受讒而枉誅不救則必有劫盜之憂救之之法退讒臣治驕暴審文書則災消矣王懼通告諸陵又命禳之○冬十月王奉太后幸三角山路見民年百歲者及八十者三人各賜物存問○十一月王至自三角山

高麗宣宗

粹

赦○十二月宋賜文苑英華集

八年

宋元祐六年

遼大安七年

春正月

西北面

兵馬使

燕

中軍兵馬使柳洪請造兵車藏之龜州以備

不虞從之○夏六月都兵馬使秦往年七月

蕃賊寇昌州兵馬錄事安先俊等領卒出屯

德寧戍遣郎將高猛等追捕奮擊賊大潰校

尉崇儉隊正邊鶴等突入賊中士卒增氣俘

斬有功乞加職賞以勸將來允之○李資義

等還自宋時帝聞我國書籍多善本命館伴

書所求書目錄授之乃曰雖有卷第不足者



亦預傳寫附來○秋八月都兵馬使奏安不  
忘危有國之急務請於民部南廊開地置射  
場一畝諸領軍卒及凡學射者皆令肄習若  
有中鵠者賞以銀牒一事從之○制曰宋人  
田盛善書扎陳養有武藝敦請留止且加職  
秩以勸來者○九月御賞春亭召鷄林公熙  
扶餘公遜門下侍郎平章事柳洪左僕射邵  
台輔兵部尚書徐靖上將軍王國髦直門下  
省高景翰林學士孫冠等置酒從容問以邊  
事○冬十一月門下侍郎平章事柳洪卒洪

高麗宣宗

武人精於春秋左氏傳及兵家秘訣每國家  
有虞疑寤寐精思引古決策多有中者時議  
重之

申壬

九年宋元祐七年春三月王不豫移御文德

殿命內醫進藥忽作詩其末句曰藥効得否  
何敢慮浮生有始豈無終唯應愿切修諸善  
淨域超昇禮梵雄見者驚恠○夏四月以邵  
台輔權判西北面兵馬事兼中軍兵馬使徐  
靖為西北面兵馬使兼中軍兵馬使金上琦  
權判東北面兵馬事兼行營兵馬使林槩為



東北面兵馬使兼行營兵馬使○遼東京持  
禮使高良慶來○秋七月參知政事崔思諒  
卒思諒儀表端雅沈靜寡言秉國鈞主文柄  
名重一時○八月以李子威為尚書右僕射  
權知門下省事兼西京留守使初子威以宰  
相監校入宋表奏誤書遼年號宋朝却其表  
由是責罷不數月干謁內嬖得拜是職時人  
譏之○戊辰幸西京○九月王太后薨葬戴  
陵謚曰仁睿○遼遣王鼎來賀生辰有司奏  
古典天子諸侯三年之喪既葬釋服心喪終

高麗宣宗

百癸

制不與士大夫同禮今賀節使已至宜以日  
易月二十七日後釋服迎命從之○冬十月  
丙子至自西京○十一月定五服相避式  
十年宋元祐八年春二月宋明州報信使黃  
仲來○夏四月遼遣高州管內觀察使馮行  
宗來命王起復○五月以邵台輔為中書侍  
郎平章事判刑兵部事徐靖為尚書左僕射  
參知政事判三司事金上琦為吏部尚書參  
知政事判尚書戶部事修國史柳奭為禮部  
尚書參知政事○王欲創寺命太史相地于

東鑑十一



城東又親往觀之遂創大寺賜名弘護○邵  
台輔奏北路邊城將士多自山南州郡選補  
丁田在遠資產貧乏若有兵事並為先鋒請  
自今令入遼使臣揀取其壯健者以為儼從  
因使覘察疆域事體且有互市之利人必競  
勸許之○秋七月西海道按察使奏安西都  
護府轄下延平島巡檢軍捕海舡一艘所載  
宋人十二倭人十九有弓箭刀劍甲鏊并水  
銀真珠硫黃法螺等物必是兩國海賊共欲  
侵我邊鄙者也其兵仗等物請收納官所捕

高麗宣宗

海賊並配嶺外賞其巡捕軍士從之○遣兵  
部尚書黃宗慈工部侍郎柳伸如宋謝恩○  
制曰先王先后忌辰追福之事漸至陵夷其  
於廣仁館構奉先庫儲穀以備供辦置吏主  
之○八月制曰我國舊制生辰元正冬至百  
官賀禮唯宰相入直者一員押班其餘宰相  
並不就班近聞宋朝儀制凡放賀日其禮與  
坐殿日不殊自今一依宋朝儀式○都兵馬  
使奏兵書云急行軍者著縛絡今縫衣是也  
乞以大盈庫蠹布付征袍都監製三四千領



分送東北兩界截於營庫有急許著從之

十一年

宋紹聖元年

春正月壬辰日傍東西

有華白虹衝日戊戌亦如之○二月以天變

赦○王將閱兵御史臺奏兵金也克木方春

盛德在木而閱兵逆生氣也不允○以東路

高和文湧定長登交等八州宣德元興寧仁

長平永興龍津等六鎮徃因水旱民多飢餓

遣東路監倉使真外郎金義濬朔方道監倉

使閻門祗候蘇忠監察御史林衍等宣撫賑

濟○夏閏四月壬辰王不豫○五月壬寅王

薨于延英殿元子昱即位於重光殿上謚曰

思孝廟號宣宗甲寅葬仁陵

李齊賢贊曰詩者志之所之在心為志發

言為詩觀宣宗文德殿餌藥詩有類於趙

孟視蔭榻日之語何哉趙孟列國之卿其

語儉君子尚譏之况王者乎以宣宗聰明

好學不讀非聖之書而無苟且之意明良

賡載之歌則尚矣大風慷慨之作何遽不

若乎不及三年遂棄羣臣嗚呼

六月尊母李氏為太后殿曰中和百官表賀



○以邵台輔李子威為門下侍郎平章事柳  
奭為尚書左僕射林瑑參知政事○宋都綱  
徐祐等六十九人乞羅高的等一百九十四  
人來賀即位獻土物○以朝鮮公燾雞林公  
熙守太師常安公琇扶餘公遜守太保辰韓  
佺愉漢山佻昉樂浪伯瑛守司徒○冬十二  
月遼勅祭使蕭遵烈副使梁祖述慰問使蕭  
復撓起復使郭人文等來勅祭使詣魂堂祭  
宣宗慰問使傳詔於乾德殿兼賜賻贈起復  
使亦於乾德殿傳詔起復為驃騎大將軍檢

高麗宣宗

校太尉兼中書令上柱國高麗國王食邑七  
千戶食實封七百戶

獻宗恭殤王

諱昱宣宗元子母思肅太后李氏性  
聰慧九歲好書畫凡所見聞未嘗遺  
忘在位一年壽十四

元年

宋紹聖二年春正月戊戌朔風從乾來

日有暈兩傍有彗太史奏元日風從乾來當  
有憂日有彗近臣亂諸侯欲有反者王幼不  
知修省只引內醫三四人討問方書或時習

乙



書盡而已○以王國髦權尚書兵部事王室  
微弱而權歸武將識者嘆之○夏五月以柳  
奭判三司事李預為政堂文學刑部尚書李  
資義為中樞院使○遼東京回禮使高遂來  
遂私獻綾羅彩段甚多王御乾德殿引見賜  
酒食衣樹○秋七月饗于大廟王居亮陰圓  
丘方澤宗廟社稷及凡載祀典者無不舉○  
李資義又伏誅初宣宗納尚書李碩之女為  
后生王又納侍中李通之女元信宮主生漢  
山侯昀王幼弱有疾不能聽決萬幾母后專

高麗獻宗

國事左右依違其間資義元信宮主之兄也  
貪冒貨財集無賴驍勇士以騎射為事常曰  
今主上有疾朝夕難保外郎有窺覲者汝輩  
力奉漢山勿令神器歸于他人至是聚兵禁  
中將舉事雞林公熙在明福宮密知之諭邵  
台輔曰國家安危繫宰相今事急公其圖之  
台輔使上將軍王國髦率兵入衛令壯士高  
義和斬資義及其黨閤門祗候張仲中樞院  
堂後官崔忠伯于宣政門分捕資義子主簿  
綽及將軍崇列澤春等十七人皆誅之流門



下侍郎平章事李子威少卿金義英司天少  
監黃忠現等五十餘人于南裔賊黨妻子沒  
為兩界州鎮奴婢子威交結資義專權用事  
故及時人譏宣宗有寵弟五人而傳位孺子  
致此亂也○以邵台輔權判吏部事王國髦  
權判兵部事賞討賊之功也○八月以黃仲  
寶為尚書右僕射○以大叔雞林公熙為中  
書令百官就邸陳賀○以孫冠為樞密院使  
崔思諤為吏部尚書知樞密院事○震皇龍  
寺塔命修之○九月以邵台輔特進守司徒

高麗獻宗

判吏部事金上琦柳奭並為中書侍郎同中  
書門下平章事○詔曰昨者權姦謀亂伏誅  
此實將相宣力之効雖已拔亂益勤修省凡  
諸冤獄悉令寬宥內外贖銅諸小罪皆許免  
除○以王國髦判都兵馬事國髦病不視事  
而威振朝廷○冬十月己巳王禪位于叔父  
雞林公熙制曰朕承先考遺業認即大位年  
當幼冲體亦病羸不能撫邦國之權塞士民  
之望陰謀橫議交起於權門逆賊亂臣屢干  
于內寢斯皆涼德所致常念為君之難竊見



大叔雞林公曆數在躬神人假手咨爾有衆  
奉纂丕圖朕當退居後宮獲全殘命乃命近  
臣金德鈞等迎雞林公熙于宗邸謙讓再三  
庚午即位于重光殿

李齊賢曰禹之傳子為慮後世植遺腹朝  
委裘而天下不動者分素定也顯之三子  
兄弟相傳以及於順順以居喪過哀夭折  
無嗣而傳於宣宣薨而太子嗣是為獻宗  
國人習熟見聞乃謂宣有五弟而立孺子  
以是歸非何不思之甚也唯不得周公於

親博陸於臣委任而輔政其危且亂可翹  
足而待也後世有不幸而遺大投艱于襁  
褓之中者可以此為誡哉

流元信宮主李氏及子漢山侯兄弟二人于  
慶源郡○遣左司郎中尹瓘刑部侍郎任懿  
如遼告即位○以邵台輔守太尉門下侍中  
金上琦守司徒門下侍郎同中書門下平章  
事監修國史柳奭守司空○加朝鮮公燾食  
邑五千戶食實封五百戶扶餘公遜守太傅  
食邑三千戶食實封三百戶辰韓侯愉尚書



令樂浪伯瑛開府儀同三司樂浪侯黃仲寶  
為尚書左僕射尹莘傑為龍虎軍上將軍兵  
部尚書黃俞顯為工部尚書崔迪為金吾衛  
上將軍攝刑部尚書其餘躡等遷官者數百  
人工商皂隸亦有超授顯職者有司莫敢言  
○叅知政事王國髦卒謚景烈國髦惟事弓  
劔教書有資兼文武之語時議譏之後配享  
肅宗廟庭○十一月御神鳳樓赦饗年八十  
以上及篤廢疾者義夫節婦孝子順孫鰥寡  
孤獨賜物有差太祖代及三韓功臣內外孫

無職者戶許一人八仕太祖苗裔在軍籍者  
免無職者許八仕文武負吏賜一級進士明  
經十舉不第者脫麻顯廟功臣河拱辰將軍  
宋國華及庚戌年如契丹見留使副許其子  
孫一人八仕諸色軍人賜米布有差免州縣  
今年租稅其徭貢未納者限癸酉年蠲免○  
遼遣泰州管內觀察使劉直來賀前王生辰  
王代迎於乾德殿○十二月遼使劉直還前  
王及今王皆附陳情表以送○以崔思諷為  
吏部尚書叅知政事



肅宗明孝王一

諱顥字天常古諱熙宣宗母弟幼而聰慧及長孝敬勤儉雄毅果斷五經子史無不該覽文宗愛之常曰後之復興王室者其在爾乎宣宗九年扈駕西京有紫氣騰幕上望氣者以為王者之符在位十年壽五十二

元年

宋紹聖三年

春正月詔曰朕仰法先王

欲行儉德減省飲食不縱嗜欲近聞內外時俗好行奢侈無有紀極飲食之際杯盤過多

子丙

高麗肅宗

傷風敗俗甚可痛心自今宜定等級仍令御史臺糾察○以王生辰為大元節○二月遣禹元齡如遼前王與今王皆有表陳謝○前王出居興盛宮宣宗潛邸也○三月御史臺奏及臣李資義等私蓄米穀數至鉅萬此皆剝民所聚請並沒官免之○夏四月御宣政殿聽朝至日吳中書省奏時當長養萬物三月以來時令舛違水結為冰降霜殺物夜電暴三洪範五行傳曰雹陰脅陽之象也京房易傳曰誅罰絕理厥災隕霜又云上偏聽下



情隔塞不能謀慮利害失在嚴急其罰常寒  
又云興兵妄誅茲謂亡法厥災降霜夏殺五  
穀頃者幼君寢疾聽斷不明母后攝政酒惑  
失度致使凶人乘間謀亂由是大行誅戮不  
遺黨類而事不原情囚繫之中必有非罪怨  
氣塞于天地和氣變為災沴聖上繼統拯正  
萬機乞令御史臺尚書刑部覈未定者從  
令決正訴告非實悉令反坐以答天戒可矣  
變為福嘉納之○六月遷景宗神主於榮陵  
祔宣宗于大廟○王泛舟東池置酒召宰相

高麗肅宗

侍臣赴宴相與賦詩至夜分雷雨乃罷○中  
禁功親婚嫁○秋七月御文德殿覽歷代秘  
藏文書擇部秩完全者分藏于文德長齡殿  
御書房秘書閣又賜兩府宰臣及誥院史翰  
內侍文臣有差○衛尉丞同正金謂碑上書  
請遷都南京略曰道統記云高麗之地有三  
京松嶽為中京木覓壤為南京平壤為西京  
十一十二正二月住中京三四五六月住南  
京七八九十月住西京則三十六國朝天又  
云開國後百六十餘年都木覓壤臣謂今時



正是巡駐新京之期今國家有中京西京而  
南京闕焉伏望於三角山南木覓北平建立  
都城以時巡駐於是日者文象從而和之○  
九月右僕射叅知政事朴寅亮卒寅亮文詞  
雅麗宋熙寧中與金覲使宋所著尺牘表狀  
及題咏宋人稱之至刊二公詩文彌小華集  
遼嘗欲過鴨綠江為昇寅亮修陳情表曰普  
天之下既莫非王土王臣尺地之餘何必曰  
我疆我理又曰歸汝陽之舊曰撫綏弊邑回  
長沙之拙袖抃舞昌辰遼帝覽之寢其議卒

謚文烈○遼吳延寵如遼賀天安節○冬十  
一月詔曰舊制凡官吏決訟小事五日中事  
十日大事二十日徒罪以上獄按三十日已  
有定限其令內外所司申明舉行○命修皇

龍寺塔

二年

宋紹聖三年

遼壽隆三年

春正月遼遣橫宣使耶律

括來賜前王勅○國清寺成親設慶讚道場  
台門下侍中致仕李靖恭及兩府宰巨宴○  
閏月甲辰前三薨于興盛宮謚曰懷殤三月  
庚申葬隱陵及睿宗即位改謚恭殤廟號獻



宗○以崔思諫為中書侍郎平章事判刑部  
事兼西京留守使○賜林元通等三十三人  
及第金富轍中第五名其兄富弼富侑富軾  
並先登科舊制三子登科歲給毋大倉米三  
十石至是制加十石遂以為常○夏六月王  
如奉恩寺自是屢幸寺院○秋七月東女真  
賊船十艘寇鎮溟縣東北面兵馬使金漢忠  
遣判官康拯與戰克之獲船三艘斬首四十  
級賜漢忠拯銀絹茶藥○八月以金先錫為  
中書侍郎平章事林幹為樞密院使尚書左

宣戊

僕射○冬十二月遼遣院海軍節度使耶律  
思齊太僕卿李湘來冊王為特進檢校太尉  
兼中書令上柱國高麗王食邑一千戶食實  
封七百戶賜玉冊圭印冠冕車輅章服鞍馬  
匹等物始設鑄錢官  
三年宋元符元年春三月立太子府置官屬  
○秋七月遣尹瓘趙瑋如宋告嗣位○冬十  
月王率百官祫享于大廟還御神鳳門赦賜  
祖宗苗裔無職者爵一級助祭執事及大廟  
九陵侍衛負吏亦賜一級諸州府郡縣減今



年租稅之半進士明經落在軍伍者免○遣  
知樞密院事金庸禮部侍郎曹揚休如遼謝  
封冊封子佖為檢校太保守太尉燕尚書令  
上黨侯

四年

宋元符二年

春二月以金上琦守太傅

○宋詔許舉子賓貢○三月冊延德宮主柳  
氏為妃○秋九月令宰臣日官等議建南京  
于揚州○丁卯王與王妃元子幸三角山閭  
月至揚州相宅都之地○冬十月癸卯至自  
三角山赦○遣文翼如遼請賜元子冊命李

壽謝賀生辰韓夔進方物趙臣俊賀正○十

一月流扶餘公遜于若木郡

五年

宋元符三年

春正月冊長子俱為王太

子○三月以崔思諷為門下侍郎平章事○

夏五月王聞宋帝崩欲薦福於大安寺諫官  
不可乃止○遼遣秘書少監張臣言來諭冊

命元子仍賜衣服匹段銀絹等物○六月遣

尚書任懿侍郎白可臣如宋吊慰○秋七月  
遣尚書王峻侍郎吳延寵如宋賀登極○九  
月遣禮部郎中李載如遼謝詔諭初遼使王



冀見興王寺小鐘嘆羨曰我朝所未有釋煦  
謂冀曰吾聞皇帝崇信佛教請以此鐘獻冀  
曰可煦上請鑄金鐘二簠將獻于遼帝遂屬  
載孔目官李復先奏其意遼以冀奉使安有  
求索加峻刑令勿獻鐘及還刑部奏治復罪  
載坐知而不禁並免官○冬十月遼遣高州  
管内觀察使蕭好古衛尉卿高士寧來冊王  
太子為順義軍節度朔武等州觀察處置等  
使崇祿大夫檢校太傅同中書門下平章事  
使持節朔州諸軍事行朔州刺史上柱國三

巳辛

韓國公食邑三千戶食實封五百戶賜印綬  
車輅衣帶匹段鞍馬弓箭等物王與太子如  
南郊受冊  
六年宋徽宗建中靖國元年春正月制以九  
經子史各一本分置臺省樞密院○以太子  
生辰為昌寧節○宋人邵珪陸廷俊劉伋來  
投王台試于文德殿並授八品官廷俊賜名  
廷傑○刑部奏主簿同正趙俊明父歿四年  
不養其母不友其弟使皆失所請論如法王  
曰朕為政先孝弟乃有若人耶可其奏○三



月王避遼帝嫌名改名顯○遼遣檢校右散  
騎常侍耶律轂來告帝崩○夏四月國子監  
奏文宣王殿左右廊新畫六十一子二十一  
賢請從祀于釋奠從之○羣臣上言松蟲蕃  
殖壓穰無効臣等謹按京房易云食祿不益  
聖化天示之蟲臣等無狀以貽上憂願進賢  
退不肖以荅天譴不報○幸日月寺慶成金  
字妙法蓮華經既畢與后妃太子登寺後岡  
欲置酒為樂御史臺奏時方盛農旱魃為災  
若樂酒於此百姓孰謂殿下憂民之憂王乃

止○詔曰今方農時天久不雨恐州郡官吏  
逗撓德音所免租稅使民不被其澤或冤獄  
滯囚久而不決餓莩曝骸棄而不葬又公私  
收稅甚重台民死傷和氣有司其布德惠禁  
非法平訊具獄掩骼埋胔荅天譴○五月  
任懿白可臣還自宋帝賜神醫普救方王受  
詔於宣政殿一行人皆貪冒貨利懿獨廉謹  
宋人稱之○六月詔曰金銀天地之精國家  
之寶也近來姦民和銅盜鑄自今用銀瓶皆  
標印以為水式違者罪之時始用銀瓶為貨



其制以銀一斤為之像本國地形俗名闊口  
○王嘏吳迺寵還自宋帝賜太平御覽一千  
卷迺寵奏臣等在宋館伴中書舍人謝文瓘  
謂曰聞國王好文近來海東文物大興所上  
表章甚佳朝廷頗羨之王曰太平御覽文考  
嘗求而不得神醫普救方濟世要術也今朕  
兩得之此使者之能也其賀登極及奉慰使  
副僚佐並加爵賞○以林幹判尚書刑部事  
魏繼廷判翰林院事吳壽增判三司事○禁  
男女僧尼羣聚作萬佛會○秋八月詔曰朕

高麗肅宗

自御神器居常小心北交大遼南事大宋又  
有女真徭疆于東軍國之務安民為惡宜罷  
不急之役以安斯民○九月遣同知樞密院  
事郭尚尚書左丞許慶如遼賀即位○牽搃  
持寺問釋煦疾未閱旬而死政堂文學李頴  
言煦於上周親而禮出家無服然才行俱優  
名重遼宋不可不服於是王與羣臣玄冠素  
服輟朝三日賜賻甚厚○置南京開創都監  
命門下侍郎平章事崔思諷御史大夫任懿  
知奏事尹瓘等相之○冬十月崔思諷等奏



壬

臣等就盧原驛海村龍山等處審視山水不合建都唯三角山面嶽之南山形水勢符合古文請於主幹中心大脉壬坐丙向隨形建都從之○十二月以魏繼廷為中書侍郎同中書門下平章事

七年

宋崇寧元年

遼乾統二年

春三月以李頴判尚書戶

部事郭尚為左僕射叅知政事燕西京留守使○御史臺奏四門進士李齊老盲僧法宗之子不合應舉王曰孔子謂仲弓曰犁牛之子騂且角雖欲勿用山川其舍諸科目將以

高麗書

求賢齊老苟有才學豈可以父故廢之○中書門下奏新作南京度地必廣多奪民田請據京緯令所說或依山取勢或約水表形先以內從山水形勢東至大峯南至沙里西至歧峯北至面嶽為界從之○東女真酋長盈歌遣使來朝盈歌即金之穆祖也○夏五月王率羣臣醮上帝於禁中配以太祖以禳松虫又命宰相分祀五方山海神君於三所又穀率五百捕松嶽松蟲赦○閏月宰相邵台輔等奏國學養士糜費不貲實為民弊且中



朝之法難以行於我國請罷之不報

史臣曰庠序學校所以昭揭人倫而培養國脉也故上古以來自王宮國都至於閭巷莫不有學雖夷狄之陋未之或廢緒諸典籍未有以糜費罷學者今台輔罷學之請雖窮巷庸夫所不敢出諸口者肅宗乃擢置於論道經邦之位及其三表請老盛稱儒雅不允其請何也肅宗非不知其為人特以其溺於立己之私恩而昧於擇相之公義也時稱肅宗好文其好文也豈亦

玩心於章句之末而與羣臣賦詩唱和而已耶其於窮理正心治國濟世之道則蓋懵焉未遑也

秋七月庚戌幸西京禮部奏謹按尚書疏王者所為巡守者以諸侯自專一國威福在己恐其壅遏上命澤不下流故自巡守為民除弊宜命西京留守及先排按察使先訪民間疾苦蠲除撫恤及前降赦恩未盡奉行者付有司施行可之○八月至大同江御龍舡宴太子扈從臣僚及西京文武兩班觀水戲雜



伎至晡而罷○謁太祖真殿○曲宴于羨花  
亭御製詩一絕命兩京儒臣和進○幸興福  
永明兩寺遂御九梯宮賦詩命儒臣和進御  
龍船宴羣臣○西京留守官叅知政事郭尚  
等享王子長樂殿○九月制曰朕久未省方  
今幸西京庶幾寬刑宥罪自動駕以來從行  
先排使及當京留守所奏犯輕罪者并令原  
免又四民各專其業實為邦本今西京習俗  
不事商業民失其利留守官其奏差貨泉別  
監二負日監市肆使商賈咸得懋遷○興福

寺十王堂成命太子行香王與后妃親幸落  
成○幸神護寺設大藏會以落之自闕庭至  
寺夾路點燈數萬○冬十月禮部奏我國教  
化禮義自箕子始而廟貌猶闕不在祀典乞  
使求其墳塋立祠以祭從之

**臣等按**祭法曰聖王之制祭祀也德施於  
民則祀之惟殷太師得天人之學當明夷  
之時為周武王陳洪範封之朝鮮八條為  
教俾夷為華以成君子禮義之國唐柳宗  
元撰其廟碑有法授聖化及民之辭斯實



錄也吾東方歷代君臣未有能舉祀典者  
幸今禮部建白而肅宗從之墳塋雖舊廟  
貌惟新荔蕉薦馨以永神歆數千百載之  
隆典一朝備舉是可嘉也

幸長慶寺閱將士馬隊置酒命宰樞及扈駕  
臣僚射侯中者賜廐馬綾絹有差○御長樂  
殿宴兩京文武顯官臣僚賜幣有差○召年  
八十以上男女賜設于闕庭命太子侑酒食  
賜物有差○十一月丁亥至自西京○制加  
所歷名山大川德號宥沿途州縣官吏輕罪

減今年田租扈駕官吏加爵一級○以尹瓘  
為樞密院副使○十二月制曰富民利國莫  
重錢貨西北兩朝行之已久吾東方獨未之  
行今始制鼓鑄之法其以所鑄錢一萬五千  
貫分賜宰樞文武兩班軍人以為權輿○遼  
遣中書舍人孟初來賀生辰兵部負外郎金  
緣為接伴初見其年少頗易之嘗一日並轡  
出郊雪始霽茫然無所見唯馬蹄觸地作聲  
初唱云馬蹄踏雪乾雷動緣即應聲曰旗尾  
翻風烈火飛初愕然曰真天才也由是情好



日篤相唱和及別解金帶贈之○制置京城  
左右酒務又於街衢兩傍勿論尊卑各置店  
鋪以興使錢之利

東國通鑑卷之十八

東國通鑑卷之十九

高麗紀

肅宗二

八年

宋崇寧二年  
遼乾統三年

春正月門下侍中邵台輔

三上表請老優詔不允賜几杖令視事○二

月東女真將軍豆門小高夫老豆門恢八等

一百五十人來朝○以邵台輔守太傅判戶

部西京留守事○夏六月宋遣戶部侍郎劉

達給事中吳玆來賜玉衣帶匹段金玉器弓

矢鞍馬等物并遣醫官牟介呂炳陳爾猷范



之才等四人來從表請也○以抑伸為左僕射政堂文學崔弘嗣為樞密院使尹瓘知樞密院事○秋七月東女真太師盈歌遣使來朝有本國醫者居完顏部善治疾時盈歌戚屬有疾盈歌謂醫曰汝能治此人病則吾當遣歸汝鄉國其人果愈盈歌如約遣人送至境上醫者至言于王曰女真居黑水者部族日強兵益精悍王乃始通使自是來往不阻盈歌既破蕭海里報捷于我我復使人賀之盈歌遣其族弟斜葛報聘王待之厚○大將

軍高文蓋張洪占李弓濟將軍金子球等潛懷逆謀事覺流于南裔○九月遣李繼膺朴景綽如遼賀加上尊號○以崔思詠為門下侍中林幹為門下侍郎平章事李頴為中書侍郎平章事○冬十月以宋帝天寧節命太子設齋于奉恩寺○十一月東女真太師盈歌遣古洒率夫阿老等來獻土物

甲申

九年

宋崇寧四年

春正月命門下侍郎平章

事林幹伐東女真女真本靺鞨遺種散居山澤未有統一其在定州朔州近境者雖或內



附乍臣乍叛及盈歌烏雅東相繼為酋長頗  
得衆心其勢漸橫伊位界上有連山自東海  
岸崛起至我北鄙險絕荒翳人馬不能度間  
有一徑俗謂瓶頂言其出入一穴而已若塞  
其徑則女真路絕故邀功者往往獻議請出  
師平之七年女真來屯定州關外八年誘執  
酋長許貞與羅弗等囚廣州拷問果謀我也  
遂留不遣會邊將李日肅等奏女真虛弱不  
足畏失今不伐後必為患至是酋長烏羅首  
與別部夫乃老有隙遣公兄之助養兵攻之

騎兵來屯定州關外以幹判東北面行營兵  
馬事御宣政殿授幹鈇鉞往伐之又以直門  
下省李瑋為西北面行營兵馬使衛尉卿金  
德珎為東北面行營兵馬使○二月林幹與  
女真戰于定州城外敗績初內侍林彥圭出  
兵之議直史館李永曰兵凶戰危不可妄動  
彥當無事時欲用兵生釁不可也王不聽幹  
又邀功引不以之兵遽出與戰敗死者大半  
惟樞密院別駕拓俊京請兵器介馬於幹入  
賊陣斬其將一人奪所俘二人遂與校尉俊旻



德麟各射賊一人殪之賊少却及回兵賊以百騎追之俊京與大相仁占射殺賊將二人賊不敢前我軍得入城於是女真乘勝闖入定州宣德關城殺掠無算以功授俊京千牛衛錄事參軍有司劾奏幹及兵馬使左僕射黃俞顯副使大將軍宋忠戶部侍郎王公胤右承宣趙珪敗績之罪皆罷之○以樞密院使尹瓘為東北面行營兵馬都統御重光殿授鈇鉞遣之瓘與女真戰斬三十餘級我軍死傷陷沒者過半軍勢不振遂早辭請和結

盟而還王發憤告天地神明願借陰扶掃蕩賊境遂鍊兵畜穀以圖再舉○三月召全州牧使吳延寵為樞密院左承宣刑部侍郎知御史臺事初王以延寵有輔相才將欲大用試之臨民果以最聞故徵之○夏四月遼遣安遠軍節度使耶律嘉謨利州管内觀察使夏資睦來冊王為忠勤奉國功臣開府儀同三司守太尉兼中書令上柱國高麗國王食邑七千戶食實封七百戶賜車輅衣褥匹段鞍馬弓箭等物羣臣表賀泰州管内觀察使



耶律師傳鴻臚卿張織來冊太子為順義軍  
節度朔武等州觀察處置等使特進檢校太  
尉兼侍中使持節朔州諸軍事行朔州刺史  
上柱國三韓國公食邑三千戶食實封五百  
戶賜車輅衣服匹段鞍馬弓箭等物○五月  
以門下侍中致仕邵台輔守太師賜協謀功  
臣號○秋七月左僕射政堂文學柳仲率伸  
狀貌不踰中人而有膽量少擢高第以清謹  
名嘗牧清州民敬之如神國家欲移都南京  
宰相及庶僚皆以為可伸與左散騎常侍庾

祿崇獨言其不可凡論國家事悉主忠義時  
論多之○以李顏為中書侍郎平章事尹瓘  
叅知政事○遣樞密院使崔弘嗣秘書監鄭  
文如宋謝恩弘嗣等泛海忽為颶風所飄舟  
人無不拊心泣弘嗣神色自若及至宋觀者  
稱其儀度中規帝厚待之加賜金幣口宣云  
顧惟樞近之臣宜有褒嘉之寵館伴曰此語  
如待朝廷近臣可見皇帝寵使臣也○戊戌  
幸南京辛丑駕次峯城縣出官錢賜羣臣軍  
士有差時泉貨之行已三歲民貧不能興用



乃命州縣出米穀開酒食店許民貿易使知  
錢利○八月辛亥王至南京遊覽臺榭園囿  
凡事皆依日官所奏不合禮制有司莫有言  
者○以崔弘嗣參知政事吳延寵為樞密院  
副使翰林學士○九月辛長源亭○冬十月  
辛亥王還宮○十一月中書侍郎平章事致  
仕金先錫卒先錫庶毅有吏才不事產業然  
年至七十尚顧戀不退時人譏之○遣密進  
使金沾如遼○十二月以魏繼廷為門下侍  
郎平章事○尹瓘奏臣所以敗於女真者彼

騎我步不可敵也於是建議始立別武班自  
文武散官吏胥至于商賈僕隸及州府郡縣  
凡有馬者為神騎無馬者為神步跳蕩梗弓  
精努發火等軍年二十以上男子非舉子皆  
屬神步兩班與諸鎮府軍人四時訓練又選  
僧徒為降魔軍

西乙

十年

宋崇寧四年春二月門下侍郎崔思詒

致仕思詒以老乞退甚切魏繼廷曰崔公在  
官吾輩仰如山斗軍國大事一從其言今若  
告老吾輩奈何後壽春宮曲宴思詒起為壽



王執其手曰卿若回退誰與共政對曰致仕禮也臣耄艾無能為矣願得閑居以終餘齒許之○夏六月以魏繼廷為太子太傅尹為太子少保判尚書兵部事○秋八月乙亥幸西京○謁太祖真殿遂謁五星殿○遣使祭東明聖帝祠○九月丙辰王不豫丁巳發西京冬十月乙丑疾大漸次于金郊驛丙寅夜至長平門外薨于輦中遲明到西華門發喪太子羣臣哭踊奉入延英殿移殯于宣德殿是日太子俱奉遺詔即位于重光殿上謚

明孝廟誦肅宗甲申葬英陵

李齊賢曰以漢高祖知人之明每謂惠帝柔仁而趙王如意似我屢欲易太子而不  
知代王之終為大平天子封之邊郡然代  
王免呂氏之禍以無寵也唐太宗之賢而  
不克定嗣年用昏童乃使凶牝豕其孫殆  
盡尤可嘆矣兩漢四百年臨天下者皆孝  
文之裔也唐三百年自中睿迄昭哀亦大  
帝之後也用此觀之天也非人也我文考  
十九子而以壽興宗國期肅宗於髫髻之



年而肅宗由蕃侯紹大統智以定亂仁以  
底平有子若孫克明克類繼繼繩繩以至  
于今四百餘年斯豈非天乎雖然傳曰知  
子莫如父其文考之謂乎

遣中書舍人金緣如遼告哀緣至遼賜宴將  
奏樂緣曰臣來時本國羣臣皆服喪經今至  
上國獲蒙賜宴雖感恩榮然臣子之情不忍  
聞樂言甚切至遼主義而從之朝見時又乞  
除吉服舞蹈學士孟初謂緣曰殿庭服色宜  
從吉但除舞蹈可也及還拜諫議大夫○制

三京八牧通判以上及知州事縣令由文科  
出身者兼管旬當事○禁士庶與內宦交通  
干謁○尊母柳氏為皇太后殿曰天和府曰  
崇明生日曰至元節○十一月以魏繼廷為  
門下侍中崔弘嗣李顥並為門下侍郎同平  
章事尹瓘為中書侍郎同平章事○御神鳳  
門赦○詔曰朕聞民間買賣所用穀米及銀  
品甚惡蓋姦猾之類不畏法禁惟利是求乃  
以沙土和米銅鐵交銀眩惑愚民可懲以法  
然堯舜畫衣冠民不犯法刑措不用朕甚慕



焉軍民工商改心革慮遷善遠罪則自然刑  
罰清而德教洽矣如有違犯者必罰無赦○  
御史臺奏今囹圄空虛請書獄空二字揭法  
司南街以示盛朝刑措之美宰相表賀時經  
大赦罪囚皆放而御史以標榜為請宰相稱  
賀識者譏之

**臣等按**三代以後漢文景彌稱省刑然不  
曰刑措而曰幾致刑措唐明皇一日殺三  
子奸臣林甫以鵲巢大理獄謂之刑措而  
表賀適足以貽誚萬世而已今肅宗晏逝

睿宗初即位推恩肆赦囹圄之空勢使然  
也非新政刑措之致然也御史之請標榜  
宰相之為陳賀是誠何心哉夫臺諫人主  
之耳目以彈糾非違為職宰相入主之股  
肱以責難陳善為任今乃懷詐獻佞導幼  
主先啓驕心當時宰相臺諫之無人可知  
矣國無其人雖欲善治得乎此睿宗之治  
所以文過其實而有功名之失也

十二月政堂文學鄭文率文恭儉朴訥不事  
生產居室卑陋僅庇風雨莅官謹慎典刑曹



十餘年未嘗妄出入人罪嘗扈駕西京請置箕子祠奉使入宋受賜金帛分與從人將其餘買書以歸無他所求宋人多之○以右散騎常侍柳子維為東界加裝兵馬使○以吳延寵為東界行營兵馬使金奇鑑知兵馬使任申幸為兵馬副使○教曰惟我祖宗經綸草昧肇造邦家累聖持守以及寡人今諸道州郡司牧清廉憂恤者十無一二慕利釣名有傷大體好賄營私殘害生民流亡相繼十室九空朕甚痛焉宜遣名臣巡行郡縣考守

令殿最以聞

睿宗文孝王一

諱保字世民肅宗太子母明懿太后柳氏深沈有度量雅好儒學在位十七年壽四十五

丙戌

元年

宋崇寧五年春正月以王生日為成寧節

○遼遣祭奠使耶律演左企弓來○東界

兵馬使吳延寵奏今所徵發內外神騎軍有父母年七十以上獨子者聽免一戶內三四入從軍者減一人宰樞之子非自募從軍亦



免允之○遼遣吊慰使耶律忠劉企常來又遣劉鼎臣命王起復○東女真公牙等十人來朝王引見于宣政殿賜酒食例物初林幹之出師也酋長延蓋使之訓等逆擊之我師敗績至是之訓遣公牙來朝王欲於正殿備禮待之雜端崔緯等奏自古虜人之來未嘗於正殿引見請依舊制待於便殿從之○以茅備檢校太尉守司徒兼尚書令帶方侯倬檢校太保守司徒兼尚書令大原侯偕檢校尚書令守司空齊安侯僑檢校尚書令守司

空通義侯○宰相累請納妃王以未終制不允○日官奏松岳乃京都鎮山積年雨水沙土漂流巖石暴露草木不茂宜令栽植從之○北女真沙八等來朝都兵馬使奏曰昔我所討賊魁高守即沙八父也必懷宿怨請處之新興館令軍校驍勇者守之允之○北女真酋長高亂阿於大等四十二人來朝禮賓省奏高亂等請納遼所授官誥受國爵命從之授中尹○命儒臣金緣崔璿李載李德羽朴昇中等十餘人與太史官會長寧殿集地



理諸家書校同異刪其繁亂編為一書名海  
東秘錄○東女真之訓率騎二千來屯關外  
納款曰往年兵戰之事非新王所知公牙之  
朝諭以此意厚賞遣歸上息至渥願至子孫  
恭勤朝貢乃召還東界加裝兵馬使金德珙  
副使任申幸○幸妙通寺自是屢幸寺院○  
夏五月御嘉昌樓賦詩令侍臣許慶抑仁著  
等十餘人和進賜帛有差又於樓前以銀椀  
為的命侍從將相角射中者賜之○六月納  
宣宗女延和宮主為妃○詔曰近來亢旱尤

甚蓋由否德所致省躬謝過無不盡心然未  
蒙報應朕嗣位以後政教多戾天其或者譴  
告朕躬宜令兩府近臣臺省諫官知制誥各  
上封事○御長齡殿命僧曇真祈雨時國家  
盛行街衢經行五部人民效此咨於所在里  
行讀之闕西里行日適有雨王賜米帛更令  
行讀不雨○秋七月親祀昊天上帝於會慶  
殿配以太祖禱雨

**臣等**書曰黍稷非馨明德惟馨言惟德  
足以動天也今睿宗因旱禱雨未有格天



東鑑卷之九  
之德而求媚於佛經行街衢已失禮矣况  
祀天不於郊而於殿失禮之中又失禮焉  
語曰吾誰欺欺天乎睿宗之謂矣

詔曰朕覽兩府臺諫兩制及長齡殿讎校貞  
等封事其所論躬行自省奉承祖訓者既已  
存心庶幾踐行矣其四時迎氣順天行令及  
修治廟社陳其器皿設其裳衣者令有司具  
聞施行其天壽寺之役先考經始而未幾升  
遐衆論蜂起爭欲諫止朕亦知其不可第以  
適追先志未敢罷去是則朕之過也其使錢

之法乃古昔帝王所以富國便民非我先考  
殖貨而為之也况聞大遼近年亦始用錢凡  
立一法衆謗從起故曰民不可慮始不意羣  
臣託太祖遺訓禁用唐丹狄風之說以排使  
錢然其所禁蓋謂風俗華靡耳若文物法度  
則捨中國何以哉祖訓所禁非謂使錢明矣  
然今所當罷者唯關津商稅而已其服飾之  
制上下混淆者自先代未有定法近雖立制  
以別尊卑第緣君臣不能行儉以率衆上下  
無等至於此極故曰百姓不從其所令從其



所好又曰上之所行下必有甚者若君臣躬行節儉不奪民利則庶民觀感尊卑有別矣其文武官僚無功尸祿故屢致旱蝗蓋進賢退不肖為政之要也然百職至煩非朕所能盡知如有賢良在下宰相薦之姦貪竊位臺諫黜之其已亥年犯惡逆流配者宜各量移叙用緣坐沒為奴隸者免之其不屬賤者並加撫恤其僧徒犯姦永充鄉戶經赦不原幾乎苛法宜令有司檢察並充軍役其中外法司問罪雖有明證必三榜問以為常故所犯

非深重者因而致死其於與其殺不辜寧失不經之意何自今法司體朕欽恤之意其已伏罪者無論輕重不必拷問是日小雨○都兵馬使奏曰頃者東蕃之役軍令不嚴故將帥無敢力戰卒伍亦皆奔潰屢致敗績夫號令嚴肅然後衆心可一伏見辛亥戊午年間顯廟行師之令曰初當訓勵時不至者勿論官職高下杖脊十五二次不至者及進退失伍者或持卜筮訛言以惑衆者誤墜失兵仗者隊正以下聞令不傳及傳之而不行者為



率雖救其上不能使免者或私洩謀於敵者  
或敵入軍中知而不告者皆杖脊二十發兵  
而不及期者有亡走心或臨敵不戰或當戰  
妄動者士卒不從其將節制者兵仗器械拋  
棄敵中者為率不救其上以致敗沒者見戰  
者危急以非已部伍不救者奪人弓劍爭人  
首級者將軍將校臨陣不戰或亡入軍中或  
言降於敵者或陣而不能拒俾敵衝突者皆  
斬其投降於敵者籍其家孥其妻子敵自降  
不告而妄殺者斬刑違此令以勵軍士但敵

自降不告而妄殺者不宜斬請杖二十從之  
時有東征之議故申明軍法○八月遣使詣  
道教習兵陣○命內人鄭克恭與司天少監  
崔資顯太史令陰德全吳知老注簿同正金  
謂礮等往西京相龍堰舊墟初術士以讖勸  
王就西京龍堰別創宮闕以時巡幸王命兩  
府及長齡殿讎校儒臣會議皆以為可知樞  
密院事吳巡寵獨曰近者南京之役甫畢民  
勞財匱不可役疲民起新宮如欲巡御不如  
舊宮不報○冬十月遣侍郎金寶威郎將李



璿如遼謝賜祭禮賓少卿崔洙賀天興節○十一月參知政事致仕郭尚卒尚以小吏起寅緣攀附事宣宗于邸及即位以舊恩累官至左承宣權勢日熾嘗矯王旨有司劾請罷職不報肅宗在邸召見遺以犀帶辭不受及宣宗大漸尚待疾卧內肅宗至寢門欲入問疾尚曰今主上彌留王子若無召命不宜直入遂不納肅宗即位以尚事先君無貳心遂大用時平章事尹瓘請使錢尚力言以為非風俗所宜十疏爭之不得尚質直無他技能

平生不事生產家無餘貲○侍中魏繼廷三上表請老王手詔不允繼廷稱疾不起遣使敦諭○御文德殿命平章事尹瓘講無逸篇知樞密院事吳延寵講禮記各賜衣帶以褒之○侍中魏繼廷入省視事御史奏繼廷寢疾彌年不能視事數請告上待之益厚賜服二百日暇日已盡乃復遷延不出累旬然後扶起入省非大臣意請罷之不許

史臣金富侂曰繼廷以文章名世清白蹇直輔佐累朝宣宗燈夕置酒繼廷為樞密



院承宣王酒酣命繼廷舞繼廷辭曰有伶人何用臣舞王不之強及為御史中丞宣宗寵姬萬春起第壯麗繼廷奏曰萬春誑惑上意勞役百姓大起私第請毀之書上不報宣宗遣李資義使宋繼廷為副資義多市珍貨繼廷一無所求至登兩府不改素節舉世皆好佛位高者以營寺寫經為事繼廷獨不然是故國人想望大用見其施設及為相循默無所建明蓋知其勢之不可為又以老病耳至是乞退上惜其去

再降手詔以宿留之又遣中使而敦諭之故入朝數日復告而歸焉御史不原情而劾之豈不謬哉

亥丁

二年宋大觀元年春正月侍中魏繼廷復三

上表乞退許之○制曰置學養賢三代致治

之本也而有司議論有所未定宜令速施行

王方嚮文學遂下此制大臣無一人奉承時

議惜之○門下侍郎平章事致仕林槩率槩

清直有大臣風嘗管勾大倉署有韓順者居

倉側盜竊倉穀誣弄官吏家資鉅萬至有緝



紳與之交通者槩發其奸置於法朝議多之  
謚元敬○以僧曇真為王師初王欲封真為  
王師以右諫議金緣為封崇使緣辭曰臣職  
在諫院已言封王師之不可未蒙俞允又從  
而行之則是欺殿下也王強之再三固辭不  
就○賜魏繼廷茶藥二銀合○三月詔曰當  
萬物發生之時不廢不刈者實禮典之成規  
而先王之仁政也今諸道守令雖曰分憂解  
克循令或托供膳以要上賞又厚饗使客以  
悅其意曰獵無時或農夫火耕延燒物命有

乖對時育物之意足傷天地之和一切禁斷  
違者罪之○夏四月王始視朝於乾德殿百  
官初以國恤不帶紅鞵至是復令帶之○魏  
繼廷再上表辭祿詔曰公博學工文詞林宗  
匠匪躬直節為世名臣因疾解官甚惜其去  
又從而辭祿非朕所以優賢敬老之意宜令  
三司給二分祿○以思肅王后李氏配宣宗  
廟初宣宗為國原公納李預女為妃未幾而  
卒是為貞信賢妃又納祭酒李碩女生獻宗  
封王后及獻宗即位尊為太后薨謚思肅至



是議宣廟之配王欲以貞信配諫官奏云貞信為國原公妃年月甚淺思肅自嬪公府以至踐位內助居多及太子繼統臨朝稱制者三年獻宗遜位于肅宗退居舊宮永無失德以思肅配便制曰嫡庶之分不可不別更詳禮典以聞諫官復奏曰春秋之義國君即位未逾年者不合列序昭穆國君如此况后妃乎請以思肅升配從之○秋九月平章事崔弘嗣等奏太史言自御松岳都城今二百餘年欲延基業宜卜西京龍堰舊墟別創新闢

移御受朝知樞密院事吳延寵復奏曰弘嗣等所奏龍堰作宮有三不可以文宗明睿猶惑術數作西京左右宮既而悔悟以為無應終不巡御虛費財力其不可一也近者開創南京迨七八年而無吉應其不可二也西京舊宮與今所求龍堰相去不遠地勢吉凶未必有異况無明訣可徵而棄祖宗舊宮別構新闢毀撤屋廬騷動人民其不可三也伏望英斷勿疑一依老臣所奏巡御舊宮無從臆說妄興工役以致人怨王卒從弘嗣等所言



時議惜之

**臣等**術家地脉衰旺之論固不足信弘  
嗣為相曾未聞謀猷獻替論帝王基業之  
鞏固在於順天時時地利誠小民而以兩  
京衰旺禍福之說唱議建白其源一開妙  
清因之得售其奸仁宗幾不保其身終高  
麗之世松都氣衰建都移御之術紛紛不  
定三蘇餅嶽白嶽漢陽卜地非一新創宮  
闕勞民動衆福未獲而禍已隨之未必非  
弘嗣啓之也

可麗睿宗

冬十月壬寅御順天館南門閱兵分賜銀布  
酒食以將伐女真也王初即位以喪未遑出  
師至是邊將報女真強梁侵突邊城其酋長  
以一胡蘆絲雉尾轉示諸部落以議事其心  
叵測王聞之出重光殿佛龕所藏肅宗誓疏  
以示兩府大臣大臣等奉讀流涕曰聖考遺  
旨深切若此其可忘諸乃上書請繼先志伐  
之王猶豫未決命崔弘嗣筮于大廟遇坎之  
既濟遂定議出師以尹瓘為元帥吳延寵副  
之瓘即奏言臣嘗奉聖考密旨今又承嚴命



敢不統三軍破賊壘拓為我疆以雪國恥延  
寵頗以為疑微語瓘瓘慨然曰今微公與我  
誰能出萬死之計以雪國家之恥策已決矣  
又何疑焉延寵默然惟金錄上疏極言出師  
之不可○庚午幸西京時日官奏宜御西京  
以遣將帥故有是行乙亥至西京○十二月  
王御威鳳樓遣尹瓘吳延寵征女真瓘延寵  
至東界屯兵于長春驛軍凡十七萬號二十  
萬分遣兵馬判官崔弘正黃君裳入定長二  
州給謂女真酋長曰國家將放還許貞與羅

弗等汝等可來聽命酋長信之於是古羅等  
四百餘人至醉以酒葭伏殲之其中壯黠者  
五六十人持疑至關門不肯入使兵馬判官  
金富弼錄事拓俊京分道說伏又使弘正以  
精騎應之擒殺殆盡乙未瓘自以五萬三千  
人出定州大和門中軍兵馬使金漢忠以三  
萬六千七百人出安陸戍左軍兵馬使文冠  
以三萬三千九百人出定州弘化門右軍兵  
馬使金德珎以四萬三千八百人出宣德鎮  
安海拒防兩戍之間船兵別監梁惟諫元興



都部署使鄭崇用鎮溟都部署副使甄應陶等以船兵二千六百出道鱗浦瓘過大乃巴只村行半日女真見軍容甚盛皆遁走唯畜產布野至文乃泥村賊入保冬音城瓘遣兵馬鈐轄林彥與弘正率精銳急攻破走之丙申左軍到石城下見女真屯聚遣譯者戴彥諭降女真曰吾欲一戰以決勝負何謂降耶遂入石城拒戰夫石如雨軍不能前瓘謂俊京曰日昃事急爾可與將軍李冠珎攻之對曰僕嘗從事長州過誤犯罪公謂我為壯士請

高麗睿宗

于朝宥之今日是俊京殺身報効之秋也遂至石城下擐甲持楯突入賊中擊殺酋長數人於是瓘麾下與左軍合擊殊死戰大敗之賞俊京綾羅三十匹又遣弘正富弼錄事李俊陽擊伊位洞賊逆戰久乃克之斬一千二百級中軍破高史漢等三十五村斬三百八十級虜二百三十人右軍破廣灘等三十二村斬二百九十級虜三百人左軍破深昆等三十一村斬九百五十級瓘自大乃巴只破三十七村斬二千一百二十級虜五百人遣



子戊

錄事俞瑩若告捷王喜賜瑩若職七品命左副承旨兵部郎中沈侯內侍刑部員外郎韓皦如賜詔獎諭瓘迺及諸將賜物有差瓘又分遣諸將畫定地界又遣日官崔資顯相地於蒙羅骨嶺下築城廊九百五十間踰英州火串山下築九百九十二間踰雄州吳林金村築七百七十四間踰福州弓漢伊村築六百七十間踰吉州又創護國仁王鎮東普濟二寺於英州城中

三年宋大觀二年春正月乙丑尹瓘具迺寵

高麗睿宗

率精兵八千出加漢村瓶項小路賊設伏叢薄間候瓘軍至急擊之軍卒皆潰唯餘十餘人賊圍瓘等數重迺寵中流矢勢甚危急拓俊京率勇士十餘人將救之其弟郎將俊臣止之曰賊陣牢不可破徒死無益俊京曰而可歸養老父我以身許國義不可止乃大呼突陣擊殺十餘人崔弘正李冠珎等自山谷引兵來救賊乃解圍而走追斬三十六級瓘等以日晚還入英州城瓘泣涕執俊京手曰自今我當視汝猶子汝當視我猶父承制授



閣門祗候○納給事中李資謙女為妃初資謙女弟為順宗妃順宗薨與宮奴通事覺資謙以閣門祗候坐斥至是始貴顯○癸酉女真酋長公兄阿老喚等四百三人詣陣前請降丙子又男女一千四百六十餘人降于左軍○丁丑賊步騎二萬來屯英州城南大呼挑戰尹瓘謂林彥曰彼衆我寡勢不可敵但當固守而已拓俊京曰若不出戰敵兵日增城中糧盡外援不至將若之何前日之捷諸公不見今日亦出死力以戰請諸公登城觀

高麗睿宗

之乃率敢死士出城與戰斬十九級賊敗血奔北俊京鼓笛凱還瓘等下樓迎之携手交拜瓘延寵乃率諸將會于中城大都督府權知承宣王字之自公險城領兵詣都督府率遇虜酋史現兵與之戰失利喪馬俊京即引勁卒往救敗之取虜介馬以還○尊母柳氏為王太后賜羣臣宴赦○二月告奏使戶部侍郎王維如宋○壬辰女真兵數萬來圍雄州城崔弘正訓勵士卒衆皆思鬪即開四門齊出奮擊大敗之俘斬八十級獲兵車



五十餘兩中車二百兩馬四十匹其餘兵仗不可勝記時拓俊京在城中州守謂之曰城守日以軍饗將盡外援不至公若不出城收兵還救城中士卒恐無噍類俊京服士卒破衣夜縋城而下歸定州整兵道通泰鎮自也等浦至吉州遇賊與戰大敗之城中人感泣○以尚書柳澤為咸州大都督府使置副使判官司錄掌書記法曹醫師等官又置英福雄吉四州及公嶮鎮防禦使副判官又城咸州及公嶮鎮○遼遣崇祿卿張揆來命王落

起復清安軍節度使蕭良益州管內觀察使李仁洽來冊王為守太尉兼中書令加食邑賜冠冕車輅衣帶匹段鞍馬等物○尹瓘以平定女真新築六城奉表稱賀使都鈐轄左副承宣禮部郎中林彥作記勒功于英州廳壁又立碑于公嶮鎮以為界○三月遣內侍衛尉注薄康英俊賜尹瓘吳延寵羊酒并賜軍人銀斲鑼一面銀瓶四十隻○女真來屯英州城外官軍出戰敗之斬二十級獲兵仗及馬八匹○尹瓘獻俘三百四十六口馬九



十六匹牛三百餘頭○築宜州通泰平戎三城與咸英雄吉福州公嶮鎮為比界九城皆徙南界民實之兵馬副使朴景綽以疾留定州寄尹瓘書曰武功已振宜戢師旅以圖萬全而更深入狄境列置城池今雖易成後恐難守瓘不能用瓘等命諸軍撤內城材瓦以築九城兵馬使金漢忠執不可曰如外城未畢而卒有緩急內無完城民將何保元帥雖有命吾不敢從後竟如其言○夏四月以尹瓘為推忠佐理平戎拓地鎮國功臣門下侍

中判尚書吏部事知軍國重事吳延寵為協謀同德致遠功臣尚書左僕射參知政事遣內侍郎中韓儆如賁詔書告身及紫繡鞍具廐馬二匹至雄州分賜之○女真設柵圍雄州城○尹瓘吳延寵凱還王命具鼓吹軍衛以迎之遣帶方侯備齊安侯偕勞宴於東郊王御文德殿引瓘延寵及諸宰樞上殿親問邊事○遣兵馬副元帥吳延寵授鉄鉞往救雄州○五月女真攻雄州城凡二十七日兵馬鈐轄林彥都巡檢使崔弘正等率諸將分



兵固守與戰日久人馬困之將潰吳延寵使文冠金駿王字之等領精銳一萬分為四道水陸俱進至烏音志沙烏二嶺下女真先陣嶺頭我兵爭登急擊斬一百九十一級賊奔北復欲結陣於平壤官軍乘勝力戰賊大敗遂燒柵而去斬二百九十一級延寵入城以城中將士不待援兵輒出交戰多被殺傷罰之有差○幸普濟寺祈却北寇○秋七月命行營兵馬元帥門下侍中尹瓘復征女真○行營兵馬判官御史中顯等以舟師擊賊船

斬二十級○遣刑部尚書金商祐禮部侍郎韓皞如如宋○八月吳延寵還王引見于文德殿親問邊事賜宴以勞之○行營兵馬判官王字之拓俊京與女真戰于咸英二州斬三十三級○分遣九道點軍使以選壯士○尹瓘獻馘三十一級○兵馬判官庾翼將軍宋忠神騎軍朴懷節等與女真戰于吉州死之贈翼兵部侍郎知御史臺事忠上將軍兵部尚書○九月賜尹瓘爵鈴平縣開國伯食邑二千五百戶食實封三百戶加吳延寵攘



寇鎮國功臣號○王字之拓俊京又擊女真于沙至嶺斬二十七級擒三人○甲戌幸南京王還次峯城縣置酒與侍從宰輔議邊事語及庾翼等戰死泣下霑襟羣臣稱壽陳慰乙卯還京

丑巳

四年宋大觀三年春正月東界行營兵馬錄

事王思謹河景澤等與女真戰于咸州死之○御長齡殿引見平虜關外蕃長五十人賜酒食禮物○冊封帶方侯備宴諸王宰樞侍從達曙而罷御史大夫崔繼芳酒酣起舞時

人非之○二月御乾德殿門命將軍金賢林佐等兩軍排陣閱之賜酒及銀瓶○冊封太原侯倬宴宰樞侍從達曙乃罷後王宴重光殿酒酣命左右舞平章事金景庸等起舞承宣林彥佯醉退曰東邊未寧可忍舞乎○王引見東界造葭將軍王惟忠賜所領將校以上酒及銀瓶追念朴懷節戰死之功賜其妻子銀瓶綾絹○右諫議大夫李載上疏曰今軍國多故黎庶未安數與羣臣宴樂且今東蕃攻戰未休屯兵不去近詐請和好國家信



之欲遣使告遼還其九城甚不可也請裁之  
○御宣政殿引見延州關外蕃長守弗首等  
七人清塞關外蕃長歸夫等十八人平虜關  
外蕃長要弗等二十八人賜酒食禮物○御  
神鳳門外閱神騎軍○遣李汝霖如遼奏新  
築東界九城○二月御重光殿閱神騎軍○  
行營兵馬錄事張文緯等與女真戰于崇寧  
鎮斬三十八級○御神鳳門閱精弩班軍○  
行營兵馬判官許載金義元等與女真戰于  
吉州關外斬三十級獲其鐵甲牛馬○夏四

月東界兵馬副元帥吳玘寵陞薛王詣景靈  
殿親授鉞○東女真復遣史顯款塞請和  
○五月王以拓俊京屢有戰功召見其父檢  
校大將謂恭于內殿從容問勞賜酒食及銀  
一錠糗米一十碩○女真寇宣德鎮殺掠人  
物幸法王寺行香分遣近臣禱於諸神廟○  
王將肆赦台宰樞議崔弘弼以為不可王曰  
頃以左右固請舉兵討賊然全賊類未殲數  
侵我疆掠我人民將卒疲於攻戍國家之急  
政在今日欲肆赦以安衆心卿獨何心以為



不可乃赦○命門下侍中尹瓘詣廟社及九  
陵禱兵捷○分遣近臣賑東北西南二道飢  
民○吳玘寵與女真戰于吉州敗績先是女  
真乘圍吉州去城十里築小城立六棚累月  
攻城甚急城幾陷兵馬副使李冠等劾勸  
軍卒一夜更築重城且守且戰然後火勢窮  
死傷甚衆玘引兵將救之去其圍而後擊  
我師大敗殺獲不可勝數玘寵具表乞罪○  
遣東界兵馬元帥尹瓘于西北路○奉章臣  
於宣政殿議還女真九城可否初議者皆言

高麗宗

女真弓漢里外連山壁立唯有一小徑可通  
若設關城塞小徑則其患永絕及其攻取水  
陸道路無往不通與前所聞絕異女真既失  
窟穴誓欲報復乃引遠地羣酋連歲來攻詭  
謀兵械無所不至以城險固不能猝拔然當  
戰守我兵喪失者亦多且拓地大廣九城相  
距遼遠豁洞荒深賊設伏抄掠往來者數矣  
國家調兵多端中外騷擾加以飢饉疫疠怨  
咨遂與女真厭苦亦遣使請和乞還舊地羣  
臣議多異同王猶未決諫議大夫金線曰



人主之取土地本欲育民也今爭城而殺人  
莫如還其地而息民今不與必與契丹生釁  
王曰何也緣曰國家初築九城使告契丹表  
稱女真弓漢里乃我舊地其居民亦我編氓  
近來寇邊不已故收復而築其城表辭如是  
而弓漢里酋長多受契丹官職者故契丹以  
我為妄言必加責讓我若東備女真北備契  
丹則臣恐九城非三韓之福也王然之○將  
軍良善領兵赴東界賜銀瓶二事○遣左承  
宣沈侯宣諭東界軍士分賜銀瓶四十○六

高麗睿宗

月尹瓘吳延寵自定州勒兵往救吉州之圍  
行至那卜其村咸州司錄俞元胥馳報女真  
公兄襄弗史顯等叩城門曰我輩昨到阿之  
古村太師烏雅束令欲請和使我傳告兵馬  
使然兵交不敢入關請遣人于我場庶以太  
師所諭詳悉傳告瓘等聞之還入城翼日遣  
兵馬記事李管仲於賊場謂女真將吳舍曰  
講和非兵馬使所得專宜遣公兄等入奏之  
舍大悅○平章事崔弘嗣金景庸叅知政事  
任懿樞密使李瑋入對宣政殿極論尹瓘吳



延寵林彥敗軍之罪○女真裹弗史顯等來朝初裹弗等復至咸州告曰我等願入朝然時方交戰疑懼不敢入關請以官人交質尹瓘等以李管仲異賢等為質裹弗等遂來朝御宣政殿南門引見裹弗等六人宣問來由裹弗等奏曰昔我太祖盈歌嘗言我祖宗出自大邦至于子孫義合歸附今太師烏雅東亦以大邦為父母之國頃有弓漢村人自作不靖本非太師指揮國朝聲其犯境之罪討之復許修好故我信之朝貢不絕不謂去年

高麗睿宗

大舉而入殺我耄倪築置九城使子遺之民靡所止歸故太師遣我來請舊地伏望憐憫還許九城使之安生則我等告天為誓至于世世子孫恪修世貢亦不敢以瓦礫投於境上王慰諭賜酒食○秋七月會宰樞及臺省諸司知制誥侍臣都兵馬判官以上文武三品以上于宣政殿議還九城皆曰可還王御宣政殿門引見裹弗等許還九城裹弗感泣拜謝○以中書侍郎平章事任懿權判東北面兵馬事兼行營兵馬使右諫議大夫金綠



副之賜鈇鉞以遣○以九城還女真先是行營兵馬別監承宣崔弘正兵馬使吏部尚書文冠等宣諭女真酋長居屢伊等曰汝若請還九城宜如前約誓告于天酋長等設壇咸州門外誓曰自今無有惡心世修朝貢有渝此盟蕃土滅亡盟訖而退弘正等始撤九城自吉州以次收入戰具資糧于內地女真喜以其牛馬載還吾民遺棄老幼男女一無殺傷

**臣等按**古晉聖王之禦夷狄外而不內疎

高麗傳

而不威羈縻不絕而已故曰王者不治夷狄夫治之以不治乃所以深治之也一或開邊窮兵遠討勝之不足為武不勝為累大矣自顯德靖文以來昇平日久雖黠虜獠戎亦皆款附女真最謫雄強而亦自歸順何負於我我當時武臣之邀功嗜利如李日肅林靈之徒建議侵伐傳曰利入土地貨寶謂之貪兵兵貪者敗恃國家之大矜民人之衆欲見威於敵謂之驕兵兵驕者滅今伐女真犯此二忌史館李永極陳



不可肅宗不聽再興師旅林幹既敗於前  
尹瓘又敗於後卑辭請和忿猶未忘睿宗  
嗣服銳意祖征命尹瓘吳延寵將兵數十  
萬深入其阻擣巢覆穴遂得九城而恢拓  
之足以示薄伐之威殺先朝之恥矣然構  
釁益深邊患日滋尹瓘吳延寵師出無功  
復還九城于女真盡開邊之失始於肅宗  
而成於睿宗其前日傾無量之費役無辜  
之民快心北漠者適足以損國威啓戎心  
而已所得何能償其所失哉自古人主好

高麗睿宗

大喜功拓土開疆忽通圖而勤遠略者靡  
有不快於始而悔於後肅睿之謂矣

尹瓘吳延寵還王遣承宣沈佺於中路收其  
鈇鉞瓘等不得復命歸私第中書省奏請瓘  
延寵敗軍之罪○取大學崔敏庸等七十人  
武學韓子純等八人分處七齋周易曰麗澤  
尚書曰待聘毛詩曰經德周禮曰求仁戴禮  
曰服膺春秋曰養正武學曰講藝○八月神  
騎軍士還自東界王御重光殿西樓慰之曰  
東役之敗將帥之過也朕何忘汝等之勞○王



以仲秋率文臣翫月於重光便殿御製詠月詩○女真史顯等來獻土物○冬十月王子構生後改措○以李瑋參知政事○十一月視朝于乾德殿諫議大夫李載金緣御史大夫崔繼芳等請治尹瓘吳延寵林彥敗軍之罪王不允入內載等又伏閤固爭至午命承宣沈侯宣諭○東女真酋長吳老等來朝○御宣政殿引見平虜清塞關外蕃長多老居夫等四十五人史顯等七人賜酒食禮物○宰相崔弘嗣等與臺諫復請尹瓘等罪○十

高麗睿宗

庚寅

二月宋教鍊使明州都知兵馬使任郭等來○遣都官郎中李國瓊如遼奏還女真九城五年宋大觀四年春正月御宣政殿南門引見北界蕃長七十四人賜物有差又御重光殿南門引見十九人賜酒食禮物○二月以任懿為門下侍郎平章事致仕畢光贊為尚書右僕射李顥權尚書吏部事○夏五月御乾德殿視朝宰相崔弘嗣金景庸與臺諫上疏論尹瓘吳延寵等敗軍之罪王不聽便入內弘嗣等詣閤固請至晡竟不允宰相諫官



皆歸第不出省中一空召平章事李顥中書  
舍人李德羽等令直省中弘嗣等累旬不出  
遣近臣敦諭起之諫官亦出視事時人譏之  
○六月御乾德殿召見宋明州所歸女樂二  
人○赦詔曰朕謬以眇躬紹御三韓萬幾至  
廣不能視聽刑政不中節候不調三四年間  
田穀凶荒人民飢病宵旰憂勞未嘗暫已况  
又乾文變恠無日不見夏月以來淩風雨雹  
此乃涼德所致恐懼增深意欲推恩上答天  
譴下慰民心召集和氣以保平安○宋遣兵部

高麗睿宗

尚書王襄中書舍人張邦昌賚詔來賜衣帶  
段匹金玉器弓箭鞍馬王受訖襄等言曰皇  
帝明見萬里諒王忠恪之誠欲加恩數聞王  
已受北朝冊命南北兩朝通好百年義同兄  
弟故不復冊王但令賜詔已去權字即是寵  
王以真王之禮且此詔乃皇帝御筆親製北  
朝必無如此禮數今見王迎詔甚恭他日歸  
奏帝必嘉悅恩數有加請王益篤誠敬以答  
聖恩○秋七月王襄等還王附表謝曰小邦  
地接大遼爵命正朔稟行已久所以未敢導



承上命實增惶恐今奉詔書因遼冊命祇去  
權字以示正名况是御筆親製如此榮幸古  
未曾有不任感愧庶效忠誠○門下侍郎平  
章事李頽率頽恬靜寡欲不事生產酷嗜浮  
屠說自號金剛居士○閏八月癸卯王奉大  
后幸南京遂幸三角山藏義寺及僧伽窟○  
九月宴諸王宰樞于天授殿達曙乃罷各賜  
侑幣王賦詩命儒臣和進賜物有差有優人  
因戲稱羨先代功臣河拱辰王追念其功以  
其玄孫衛尉注簿濬為閣門祇僕仍製詩賜

高麗睿宗

洪州管下貞海縣地創置一亭以為迎送之  
所制從之名其亭為安興○冬十一月以鄭  
惟產判尚書禮部事金行瓊判尚書兵部事  
文正叅知政事兼西京留守使崔惟吉守司  
空判三司事

午戊

三十二年

宋元豐元年夏四月宋明州教練

使顧允恭賫牒來報帝遣使通信之意王曰  
敢期大朝降使外域寡人一喜一驚凡百執  
事各揚爾職館待之事固有闕遺勤謹著能  
者當行超擢怠劣有過者別論貶黜○六月



宋遣左諫議大夫安燾起居舍人陳睦賁詔  
來賜王衣帶鞍馬彩段樂器金銀器王迎詔  
禮畢謂左右曰豈謂皇帝陛下不遺小國遠  
遣大臣特示優賜榮感雖極兢慚實多太子  
率羣臣陳賀東西二京東北兩界兵馬使八  
牧四都護府亦表賀命太子宴客使于乾德  
殿○秋七月安燾陳睦等還王附表以謝且  
自陳風痺請醫官藥材時與宋絕久燾等初  
至王及國人欣慶除例贈衣帶鞍馬外所贈  
金銀寶貨米穀雜物無算將還舟不勝載請

高麗文宗

何是以辭當體眷懷遠就乃職瓘再表  
讓又不允

東國通鑑卷之十九







